

NKU

ye e timetšego



MAPULA MARTHA MALATJI

Diswantšho ka Jonanda Kannemeyer

NKU YE E TIMETŠEGO

© 2023 One Heart
Kgatišo ya pele 2023
E gatišitšwe Afrika Borwa
ISBN: 9781776475513

Puku e ka phatlalatšwa ntle le tefo, efela go kgahlanong le molao go e rekiša. Puku e humanwa go www.oneheartforkids.co.za.

Ka tumelelo ya bagatiši, puku e ka abelanwa ka go gatišwa, go fotokhophiwa goba ka mokgwa wa eletroniki. Puku ga se ya swanela go fetolwa ka mokgwa ofe goba ofe. Go kgopela tumelelo ya go gatiša puku o ka ikgokaganya le bagatiši.

One Heart
17 Pelikaan Street
Stellenbosch, 7600
South Africa
www.oneheartforkids.co.za

Mongwadi: Dr. Mapula Martha Malatji
Mothaladíswantšho: Jonanda Kannemeyer
Morulaganyi: Elizabeth Phala
Motlanyi: Imprint Publishing

Dikanegelo Tša Beibele
TESTAMENTE YA KGALE

MATEO 18 le LUKA 15

NKU

ye e timetšego

Jesu e be e le moanegi wa dikanegelo yo mobotse kudu gomme a anegela barutiwa ba gagwe le ba bangwe dikanegelo tše ntši. Ka letšatši le lengwe O ile a anega kanegelo ka modiši yo a bego a na le mohlape wa dinku tše lekgolo. Modiši o be a rata dinku tša gagwe ka moka, gomme dinku di be di latela modiši kae le kae mo a bego a eya gona.

Ka letšatši le lengwe, ge modiši a be a bala dinku tša gagwe, o ile a lemoga gore nku ye tee e be e se gona. O be a na le dinku tše lekgolo, eupša bjale e be e le tše masomesenyane-senyane feela. O be a tseba gore o swanetše go hwetša nku ye e timetšego gomme a e bušetše mohlapeng.




Modiši o ile a tlogela dinku tše
masomesenyane-senyane lefelong le le
bолокеgilego thabeng gomme a thoma go nyaka
yeo e timetšego. O ile a sepela mašemong, a namela
meboto gomme a bitša nku ye e timetšego.



Mafelelong, ka morago ga go tsoma nako ye telele, modiši o ile a bona nku yeo e timetšego. E be e kgomaretše ka gare ga sethokgwa sa meetlwa, e tšhogile e bile e lewa ke bodutu. Modiši o ile a topa nku ka boleta gomme a tloša meetlwa boyeng bja yona ka kelohloko. Dinku di ile tša imologa kudu e bile di thabetše go bona modiši!





Modiši o ile a swara nku ye nnyane kgauswi le pelo ya gagwe gomme a re, “Ke go hweditše! O be o timetše, eupša bjale o bolokegile.” O ile a bea nku magetleng a gagwe, a e rwalela mohlapeng gomme dinku tše dingwe ka moka tša thaba kudu ge di bona modiši wa tšona gape. Ke moka modiši a bitša bagwera ba gagwe le baagišani, a re: “Thabang le nna; Ke hweditše nku ya ka yeo e bego e timetše.”



Jesu a re: “Ge motho a na le dinku tše lekgolo gomme ye tee ya tšona e timetše, o tla tlogela tše masomesenyane-senyane dithabeng, a yo nyaka yeo e timetšego. Ge a ka e hwetša, ruri o tla thaba ka yona go feta ka masomesenyane-senyane ao a sa kago a aroga.”





Thapelo

Modimo Papa, re a go leboga ka gore le ge re go kgelogela, O tla tla gape ka dinako ka moka go re hwetša. Re thuše go ba kgauswi le Wena, mohlokomedi wa rena dinku.

Dipotšišo

1. Modiši wa dinku o be a na le tše kae?
2. Modiši wa dinku o ile a dira eng ge a lemoga gore ye nngwe e timetše?
3. Modiši o tlogetše tše dingwe kae ge a ya go nyaka ya go timela?
4. Modiši wa dinku o ile a dira eng ka morago ga go hwetša ya go lahlega?
5. Modiši o rileng go bagwera ba gagwe ge a hweitše nku ya gagwe ya go timela?

Motlanalo le Sebothoma

Thaba ya Modimolle e gauswi le Kranskop moo dikoloi di patelelwago tsela gore di fete. Ka nako ya go keteka letšatši la matswalo a Jesu ka Keresemose, go tlaa kudukudu, fela ga go yo tee a naganago ka go namela thaba ye. Ba e tšhaba, ba kwele gore ge o ka e leka, ga o bowe. Motlanalo le Sebothoma ke badudi ba lekeishene la Mookgopong.

Ge dikoloi di sa eme tseleng, Sebothoma le Motlanalo ba fologa go iphokiša moya. Ke moo ba hweditšego sebaka sa go eletšana ka ga sefahlego sa Motlanalo sa go ba le dišo tše ntši tša go tšhoša. Ba mo kwerile, ba mo sebile, go lekane.

Sebothoma a re go Motlanalo, “Etna re sepelele mola pejana, go na le noka, o tla hlapa sefahlego ge re sa emetše gore dikoloi di fokotšege.” Motlanalo a dumela. Sebothoma a kgoromeletša ngwanaabo ka nokeng, gomme a se botše motho ka se se diregilego. Kwena e bone gore Motlanalo o mathateng, ya phakišetša go mo rwala mokokotlong.

Ge ba le garegare ga noka kwena ya botšiša Motlanalo ya re, “Goreng o na le dišo tša go swana le letlalo la rena dikwena? Ke phošo ya gago goba ya batswadi?” Motlanalo a ikarabela ka gore yena o belegwe a le gabotse. Ga go se se kgonago go mo thuša. Kwena ya re, “Se tshwenyeye, ge ke fetša go go fološa, o kge lehlakano o namele thaba yela e bonalago.



Ge Motlanalo a le godimo ga thaba a lapile, a swarwa ke boroko bjo bogolo. Morongwa wa Modimo a mo etela torong. Morongwa o be a mo hlapiša mmele ka moka ka lešela le lešweu. Gosasa ge a iphophola sefahlego, se be se le boreledi o ka re sa lesea. A gopola go namelela thaba go fihla godimodimo letšatši ka letšatši. Kua lekeisheneng, ramotse wa Mookgopong o be a tseba gore banenyana ba lekeishene ka moka ke ba ba kae le go ya ka mengwaga ya bona. Bjale o be a nyaka go kwešiša ka wo tee fela wo badudi le bona ba thušago ka go mo nyaka.

Sebothoma yena o be a fela a eya nokeng a gopola gore a ka hwetša ngwanaabo. Ge a gaša mahlo a gagwe thabeng, a bona Motlanalo. A kitima go bitša ramotse yo a tlilego le mašole a setšhaba. Ba namela thaba go kuka Motlanalo. Motlanalo a ba botša ka moka se se diregilego. Ge batho ba sa re ba topa maswika go betha Sebothoma, Motlanalo a ba thibela. A ba botša gore ke Sebothoma yo a mo thušitšego ka mokgwa wa go se kwešišege. Ka moka le a tseba gore ke be ke na le sefahlego sa go se lebelelege. Bjale ke fodile le a mpona e bile ke boetše gae. Sebothoma le ramotse ba beakanya letšatši la monyanya.



Thapelo

Modimo Tate, re thuše go ba ba lokilego mo baneng
ba bo rena e bile re se ba direle bošula.

Dipotšišo

1. Bothata bja letlalo la Motlanalo e be e le eng?
2. Goreng o nagana gore Sebothoma o kgoromeleditše Motlanalo ka nokeng?
3. Go diregileng ka Motlanalo ka nokeng?
4. Go diregileng ka Motlanalo kua thabeng?
5. Naa ramotse le badudi ba ile ba tseba ka se se tlhagetsego Motlanalo?
6. Go diregileng morago ga gore Motlanalo a boele gae?


Mantšū a maswa

Lekeishene = motse setoropo


Lehlakanoaka = lehlaka la go mela nokeng

Ramotse = Mohlokomedi wa batho wa go kgethwa ke mmasepala

Nku ye e timetšego ke ye nngwe ya dipuku tše 20 tše di bontšhago dikanegetlo tše 10 tša Testamente ya kgale le tše 10 tša Testamente ye ntshwa, moo ye nngwe le ye nngwe ya tšona e nago le ditiragalelo-maphelong, di ithekgile ka tša Beibele.



Puku_1



Puku_2



Puku_3



Puku_4



Puku_5




Puku_6




Puku_7



Puku_8



Puku_9




Puku_10




Puku_11




Puku_12




Puku_13



Puku_14




Puku_15



Puku_16




Puku_17



Puku_18



Puku_19



Puku_20

Nku ya go timela

Mo kanegelong ye re ithuta ka ga modiši wa dinku yo a bego a na le mohlape wo mogolo wa dinku. Ge ye tee e timela, modiši o tlogetše tšela ka moka a ya go nyaka yela ya go timela. Ge a e hweditše, a e bušetša mohlapeng go thaba le bagwera.

Motlanalo le Sebothoma

Mo kanegelong ye re ithuta ka ga buti le kgaitšedi, e bego Sebothoma le Motlanalo. Motlanalo o be a na le bothata bja letlalo, a tla a timelela morago ga gore buti wa gagwe a mo kgoromeletše ka nokeng. Le ge go le bjalo, morongwa wa Modimo a mo etela, a fetša a boetše gae gabotse.



9781776475933

Sepedi